



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Septem Illustrium Virorum Poemata**

**Amstelodami, 1672**

Ad Joannem Barclium, Flores studiosè educantem.

**urn:nbn:de:hbz:466:1-11215**

Blattæ nocentes , quò mali vocant libri.  
 Satis superque munera inter & curas  
 Regni , diurnâ solus , atque nocturnâ  
 FRANCISCUS hafce conteret manu chartas.

A D  
 JOANNEM BARCLAIUM,  
*Flores studiose educantem.*

**Q**Uæ tibi culta novos late parit area flores ,  
 Quæque nitet vario picta colore seges ,  
 Quam cito , Barclai , defecerit ! improbus Auster  
 Dejicit , aut densa decutit imber aquâ :  
 Solibus aut æstus veniens ardentibus urit ,  
 Aut legit , & rapido demetit ungue manus .  
 Haud ita quos lepidis cultu meliore libellis  
 Divini flores inseris ingenii .  
 Nam Charites Musæque fovent , sparsique beato  
 Nectare , perpetui veris honore vigent .  
 Nec deerunt unquam inscripti tua nomina flores ,  
 Longa licet studio perpetæ fæcla legant .

CÆSARIS COMMENTARIA  
 CORROSA A MURIBUS.

**Q**UOD mille libros inter , hunc immaniùs  
 Laniasse mures aspicis ,  
 Quo bella Cæsar inclyta , & victorias  
 Hac qua peregit fortiter  
 Dextra , exaravit doctè , id imprudentiâ ,  
 Casuve factum ne puta .